

所困今復不信自致失衣本曾不信後行者
語今雖告語亦復不信佛告諸比丘諸依止
舍衛城比丘皆悉令集乃至已聞者當重聞
若比丘聚落空地不與盜數取者波羅夷不
應共住

摩訶僧祇律卷第二

優二

刑音吾元反裸二同胡反裸二同胡反羯磨上居謁反
嬰兒盈上一反青瘀去下於反胖脹反上正作清
在反癰反癰反雇故音調戲上徒反剋下知向反鏤上音漏作刻
貓上茅音完反胡音官音樞反昌音俱反人功下音合音漫官
泔上音沙瓶上音杖音梯反湯音欄下音廐救下音車音輿音

余音滂力二同滴力二同誣無二同調無二同數胡教肥反房非芝
蔽反必祭儲畜除上音粳音二同糠音二同糠音二同穰音二同穰音二同穰音二同
拵反丘願中其聲上澆去聲怨反音踏音戩反音戩反音戩反音
躡反略上益音傘二考下蓋音散上音羝音羊亦上音作音抵音業
拵反丘願中其聲上澆去聲怨反音踏音戩反音戩反音戩反音

摩訶僧祇律卷第三

優三

東晉三藏法師佛陀跋陀羅共沙門法顯譯

復次佛住王舍城廣說如上瓶沙王先祖時
治罪人法有作賊者以手拍頭以為嚴教賊
大慚愧與死無異後更不作至祖王時治罪
人法有作賊者以灰圍之須臾放去賊大慚

章

愧與死無異後更不作至父王時治罪人法
有作賊者驅令出城賊自慚愧與死無異後
更不作瓶沙王法有作賊者驅令出國以是
為教時有一賊七反驅出猶故來還劫殺村
城爾時有人捉得此賊縛送與王白王言此
賊七反驅出猶故來還劫殺村城願王苦治

王告大臣將是賊去已罪治之大臣白言止
止大王王自治罪莫付臣下何有捨王臣下
專輒大王教令時所尊重正出於王治法久
存王言將去截其小指爾時有司速將罪人
急截其指恐王有悔時王即自試齒指痛殊
難忍即便遣信勅語大臣莫截彼指臣答王

言已截其指王甚愁悔即自念言我今便爲法王之末非法王始夫爲王者憂念民物何有人王傷截人指爾時瓶沙王疾勅嚴駕往詣世尊頂禮佛足却坐一面白佛言世尊我曾祖先王治罪人法唯以手拍頭次第諸王及至我身惡法日滋正化漸薄謬得爲王傷截人體自惟無道愧懼實深佛告大王治國盜齊幾錢罪應至死盜齊幾錢應驅出國盜齊幾錢應用刑罰爾時瓶沙王白佛言世尊以十九錢爲一罰利沙槃分一罰利沙槃爲四分若盜一分若一分直罪應至死爾時世尊爲瓶沙王隨順說法示教利喜示教利喜已憂憤即除禮佛而退王去不久爾時世尊往衆多比丘所敷座而坐告諸比丘向瓶沙王來至我所爲我作禮於一面坐而白我言世尊我先曾祖治罪人法以手拍頭正化相承乃至我身我即問言大王盜至幾錢罪應至死乃至應罰王言十九錢爲一罰利沙槃

分一罰利沙槃爲四分若盜一分若一分直罪應至死我爲瓶沙王隨順說法歡喜而去佛告諸比丘從今當知十九古錢名一罰利沙槃分一罰利沙槃爲四分若盜一分一分直犯波羅夷時諸比丘白佛言世尊云何是瓶沙王畏罪乃爾佛告諸比丘是瓶沙王不

優三

二

但爾世如是畏罪過去世時亦曾畏罪諸比丘白佛言世尊已曾爾耶佛言如是過去世時有城名波羅柰國名迦尸爾時有王号曰名稱時國人民皆工巧技術以自生活所謂妓樂歌頌或作金銀寶器華鬘瓔珞嚴飾之具或調象馬及諸道術種種工巧無不備悉以是生活若無工巧技術者謂之愚癡若有作賊者亦名愚癡時有一人作賊國人縛送與王白言大王此人愚癡事願王治之王言止止世人失財世人作賊我復何用共作惡爲王便思惟當作何方便我治王事令羣臣不知惡法不起復更思惟自昔已來始有一

愚癡人是愚癡人不能滿千我便命終即持
 愚人付一大臣我須于愚癡人用作大會若
 當數滿白我令知臣即執持愚人繫在一處
 王尋念言是愚癡者將無飢死便告大臣將
 愚人來重告臣曰好看此人莫令羸瘦著我
 無憂園中一欲娛樂妓樂供給大臣受教即

將愚人如王所勅爾時復有愚人聞王捕得
 愚人乃至安著無憂園中妓樂供給便自送
 身詣大臣所白言我是愚癡人大臣欲取王
 意來便送著無憂園中如是不久其數滿千
 臣白王言愚人數已滿千更須何等當速辦
 之王聞此言甚大愁憂昔來久遠始有一愚
 優三 三

癡人如何今者未經幾時已有千數將是末
 世惡法增長王勅羣臣於無憂園中灑掃燒
 香懸繒幡蓋備辦種種餽飲食臣即如教
 備王所勅時王出遊與諸羣臣十八部眾詣
 無憂園中王既坐已問諸羣臣愚人今在何
 處可喚將來愚人盡至王見愚人久在園中

衣被垢膩爪長髮亂即勅羣臣將愚人去沐
 浴新衣翦髮截甲然後將來來已與種種飲
 食賜以財寶恣其所須即勅愚人汝等還家
 供養父母勤修家業莫復作賊爾時愚人聞
 王告勅歡喜奉行

時彼國王即以王位授與太子出家入山學

仙人法是時國王而說偈言

本求千愚人 作會謂難期 如何未幾時

千數忽已滿 惡法日夜增 大會於是止

欲離世惡人 宜時當出家

佛告諸比丘爾時國王名稱者豈異人乎即

瓶沙王是瓶沙王先世已來常畏罪報今既

為王續亦畏罪諸比丘白佛言世尊云何是

瓶沙王教令行已尋復還悔佛告諸比丘是

瓶沙王不但今日教令行已尋復還悔過去

世時亦曾還悔諸比丘白佛言已曾爾耶佛

言如是佛告諸比丘過去世時有婆羅門無

有錢財以乞自活是婆羅門有婦不生兒子

家有那俱羅蟲便生一子時婆羅門以無子故念彼那俱羅子如其兒想那俱羅子於婆羅門亦如父想時婆羅門於他舍會或得乳酪及得餅肉持還歸家與那俱羅又於後時婆羅門婦忽便有娠月滿生子便作是念是那俱羅生吉祥子能使我育兒時婆羅門欲出行乞食時便勅婦言汝若出行當將兒去慎莫留後婆羅門婦與兒食已便去比舍借確春穀是時小兒有酥酪香時有毒蛇乘香來至張口吐毒欲殺小兒那俱羅蟲便作是念我父出行母亦不在云何毒蛇欲殺我弟如所說

優三

四

毒蛇那俱羅 飛鳥及禿梟 沙門婆羅門
繫母及前子 常共相憎嫉 懷毒欲相害
時那俱羅使殺毒蛇段為七分復作是念我
今殺蛇令弟得活父母知者必當賞我以血
塗口當門而住欲令父母見之歡喜時婆羅
門始從外來遙見其婦在於舍外便瞋恚言

我教行時當將兒去何以獨行父欲入門見那俱羅口中有血便作是念我夫婦不在是那俱羅於後將無殺食我兒瞋恚而言徒養此蟲為其所害即前以杖打殺那俱羅既入門內自見其兒坐於庭中啖指而戲入見毒蛇七分在地見是事已甚大憂悔時婆羅門

深自苦責是那俱羅善有人情救我子命我不善觀察卒便殺之何痛可憐即便迷悶躡地時空中有天即說偈言

宜審諦觀察 勿行卒威怒 善友恩愛離
枉害傷良善 喻如婆羅門 殺彼那俱羅

佛告諸比丘爾時婆羅門者豈異人乎即瓶

沙王是彼於昔時以曾輕躁作事尋悔今復如是佛告諸比丘依止王舍城比丘皆悉令集乃至已聞者當重聞若比丘於聚落空地不與取隨盜物王或捉或殺或縛或擯出言咄男子汝賊耶汝癡耶比丘如是不與取者波羅夷不應共住

優三

五

第二戒緣竟

比丘者比丘各受具足善受具足一白三羯磨無遮法和合十衆十衆已上年滿二十此名比丘聚落者聚落名若都墻圍遶若水渠溝澗籬柵圍遶

又復聚落者放牧聚落枝兒聚落營車聚落牛眠聚落四家及一積薪亦名聚落空地者空地名垣墻院外除聚落界餘者盡名空地聚落界者去籬不遠多人所行蹤跡利處是名聚落界如是水渠溝澗籬柵外除聚落界餘者盡名空地放牧聚落者最邊巷舍外除聚落界餘者盡名空地技兒聚落者最邊車外除聚落界餘者盡名空地營車聚落者最邊車外除聚落界餘者盡名空地牛眠聚落者最邊家外除聚落界餘者盡名空地四家及積薪聚落者最邊家外除聚落界餘者盡名空地不與者若男若女若黃門二形在家出家無有與者盜心取隨盜物者物有八種

一者時藥二者夜分藥三者七日藥四者盡壽藥五者隨物六者重物七者不淨物八者淨不淨物是名爲八取者取名捉物移離本處是名爲取隨其所盜者不如十六督監盜取王家一枚小錢買瓜食之爲王所殺王無定法自隨其意或小盜便殺或盜多不死當

如世尊問瓶沙王法大王治國盜齊幾錢至死幾錢驅出幾錢罰財瓶沙王答佛十九錢爲一罰利沙槃一罰利沙槃分爲四分若取一分若一分直罪應至死今隨所盜義以此爲准王者王各利利婆羅門長者居士受職爲王王捉者王使人執或捉其手及餘身分是名捉殺者奪其命是名爲殺或縛者或以屋縛或以城縛或以材縛或著鎖絆或著枷械是名爲縛擯出者驅出聚落驅出城驅出國是名擯出咄男子汝賊汝癡汝愚者呵責之辭比丘如是者犯波羅夷不應共住波羅夷者謂於法智退沒墮落無道果分是名波

優三

六

羅夷如是乃至盡智無生智於彼諸智退沒
墮落無道果分是名波羅夷又復波羅夷者
於涅槃退沒墮落無證果分是名波羅夷又
復波羅夷者離於不盜法退沒墮落是名波
羅夷又復波羅夷者所可犯罪不可發露悔
過故名波羅夷

時藥者一切根一切穀一切肉

根者治毒草根藕根甕樓根芋根羅蔔根葱
根是名根

穀者有十七種一稻二赤米稻三小麥四麩
麥五小豆六胡豆七大豆八豌豆九粟十黍
十一麻子十二薑白十三闍致十四波薩陀

十五莠子十六脂那句十七俱陀波是名十

七種穀

肉者水陸蟲肉云何水蟲水蟲者魚龜提彌
祇羅脩羅脩羅脩摩羅如是等水中諸
蟲可食者是名水蟲云何陸蟲陸蟲者兩足
四足無足多足如是等名陸蟲如是根食穀

食肉食皆名時食何以故時得食非時不得
食是名時食

若比丘盜心觸時藥犯越毗尼罪動彼物偷
蘭罪離本處滿者波羅夷

夜分藥者十四種漿一菴羅漿二拘梨漿三
安石留漿四顛哆梨漿五蒲桃漿六波樓沙

優三

七

漿七捷捷漿八芭蕉漿九罽伽鞞漿十劫頗
羅漿十一波龍渠漿十二甘蔗漿十三呵梨
陀漿十四吐波梨漿此諸漿初夜受初夜飲
中夜受中夜飲後夜受後夜飲食前受至初
夜飲是故名夜分藥若比丘盜心觸夜分藥
犯越毗尼罪動彼物偷蘭罪離本處滿者波

羅夷

七日藥者酥油蜜石蜜脂生酥酥者牛水牛
酥殺羊羴羊酥駱駝酥油者胡麻油蕪菁油
黃鹽油阿陀斯油婢麻油比樓油比周縵陀
油迦蘭遮油差羅油阿提目多油縵頭油大
麻油及餘種種油是名爲油蜜者軍荼蜜布

底蜜黃蜂蜜黑蜂蜜是名為蜜石蜜者槃施
 蜜那羅蜜縵闍蜜摩訶毗梨蜜是名石蜜脂
 者魚脂熊脂羆脂脩脩羅脂脂脂此諸脂無
 骨無肉無血無臭香無食氣頓受聽七日病
 比丘食是名脂生酥者牛羊等諸生酥淨灑
 洗無食氣頓受聽七日病比丘食此諸藥清

淨無食氣一時頓受得七日服故名七日藥
 若比丘盜心觸七日藥越毗尼罪動彼物偷
 蘭罪離本處滿者波羅夷

盡壽藥者呵梨勒毗醯勒阿摩勒果荳胡椒
 薑長壽果仙人果乳果豆色果波羅悉多果
 槃那果小五根大五根一切鹽除八種灰餘

一切灰除石蜜滓地餘一切地此諸藥無食
 氣頓受病比丘終身服是名終身若比丘盜
 心觸終身藥越毗尼罪動彼物偷蘭罪離本
 處滿者波羅夷

隨物者三衣尼師壇覆浴衣兩浴衣鉢大捷
 鉢小捷鉢鉢囊浴囊漉水囊二種腰帶刀子

銅匙鉢支鐵筒軍持澡罐盛油皮瓶錫杖革
 屣傘蓋扇及餘種種所應畜物是名隨物復
 有俗人隨物軍器刀杖衣服及餘種種白衣
 所畜衆物亦名隨物若比丘盜心觸隨物得
 越毗尼罪動彼物偷蘭罪離本處滿者波羅
 夷重物者牀卧具及餘重物牀卧具者卧牀

優三

八

坐牀小褥大褥拘繫枕及餘重物者一切銅
 器一切木器竹器一切瓦器銅器名者銅瓶
 銅釜銅鑊銅杓及餘種種銅器是名銅器木
 器竹器者木函木瓶木瓮木杓竹篋竹席乃
 至竹筍及餘種種一切木器竹器是名竹器
 木器瓦器者從大甕乃至於燈盞是名瓦器
 牀卧具及種種餘物是名重物若比丘盜心
 觸此重物等得越毗尼罪動彼物偷蘭罪離
 本處滿者波羅夷

不淨物者錢金銀比丘不得觸故名不淨物
 若比丘盜心觸不淨物得越毗尼罪若動彼
 物偷蘭罪若離本處滿者波羅夷

淨不淨物者真珠瑠璃珂貝珊瑚頗梨磗磑
瑪瑙璧玉是諸寶物得觸不得著故名淨不
淨物若比丘盜心觸此淨不淨物得越毗尼
罪若動彼物偷蘭罪若離本處滿者波羅夷
復有十六種物地中物水水中物船船中
物乘乘中物四足四足上物兩足兩足上物

無足無足上物虛空虛空中物

云何地金鑲銀鑲赤銅鑲鉛錫鑲白鐵鑲空
青雌黃石膽鹽石灰赤土白墀乃至瓦師取
土地是名地比丘盜心觸此諸地者得越毗
尼罪若動彼物偷蘭罪若離本處滿者波羅
夷地中物者若人藏物著地中所謂錢金銀
優三九

頗梨珂貝真珠磗磑瑪瑙酥瓶油瓶石蜜瓶
根莖枝葉果等諸藥乃至八種物藏著地中
是名地中物若比丘盜心觸此地中物者得
越毗尼罪若動彼物偷蘭罪若離本處滿者
波羅夷
水者水有十種河水池水井水龍淵水清水

溫泉水不病水雨滂水空中水長流水有處
水貴有處水賤或一錢得四五瓶或一切所
有物得一瓶如近村城邑而有好水一錢得
五六瓶有賈客遠行路遊曠遠或五由旬或
十乃至五百由旬道路無水彼諸賈客皆各
負水去或有自供或有賣者時有一賈客水
少不足為熱渴所逼便作是念若我存者自
能得錢若我渴死錢復何用盡以財物買一
瓶水時有比丘隨賈客行賈客常供給比丘
水未至所在水便欲盡時賈客語比丘言道
路猶遠水復欲盡爾許水以供尊者爾許水
我自當飲如賈客所施比丘應當如其量飲
若盜心多飲滿者波羅夷不滿者偷蘭罪
賈客復言今供給尊者水飲願莫與他時有
老病人為熱渴所逼來從比丘乞水飲比丘
慈心念彼病者作是思惟主人雖作是言彼
病可愍我今以水施之主人故當不見怪責
以同意故不犯有人乘船載水比丘為渴所

逼盜心觸彼船上水者得越毗尼罪若以鉢若捷鎡盛彼水未離船者偷蘭罪若持水去身衣盡離船滿者波羅夷穿彼水器得越毗尼罪若以筒就穿孔飲水滿者波羅夷若稍飲數數止者口口偷蘭罪若水器先有塞孔以盜心拔塞得越毗尼罪水器中得偷蘭罪若水注斷滿者波羅夷若水連注未斷即起悔心畏犯重罪還以水倒本器中者偷蘭罪若欲令船盜者順牽船尾過船頭處波羅夷若倒牽船者船頭過船尾處若右邊傍牽左過右者波羅夷若左邊傍牽亦如是若小船易動比丘盜心觸者得越毗尼罪若動

優三

十

彼小船偷蘭罪若離本處滿者波羅夷若人有溉灌渠流水或一宿直一錢乃至二三四五錢若比丘若為佛法僧自為盜心壞彼渠者得越毗尼罪水流入田偷蘭罪滿者波羅夷若比丘不欲直壞渠方便假牽墼木令水決出牽時得越毗尼罪水流入田偷蘭罪滿

者波羅夷若作方便驅牛羊駱駝壞渠者亦如是若比丘嫉妬心壞渠棄水者得越毗尼罪若比丘共賈客行曠野中有人言明後日當至水時有賈客大擔水比丘甚渴乞水不得便瞋恚言弊惡人汝何乃慳貪多持水行亦不能自飲亦不與畜生亦不與沙門婆羅門不久當棄何用水為比丘便壞彼水器以惡心故得越毗尼罪若人家中以器儲水若比丘親里知識被燒比丘以盜心取水救火若觸得越毗尼罪動彼水器得偷蘭罪以水澆火滿者波羅夷若憶念言當還水若與直取用不犯若彼家被燒即以彼水助澆火者不犯若時世遭旱十年二十年有人守護池水若井水比丘以盜心持器取水觸彼水者越毗尼罪盛水時偷蘭罪若擔水離池去者波羅夷若池有院閉門比丘以盜心持筒遙飲水水連續不斷滿者波羅夷口口飲息者口口偷蘭罪若井水比丘以盜心下灌時得

優三

十一

越毗尼罪若水入器時得偷蘭罪持水離井
滿者波羅夷有諸外道家以器儲水其家被
火外道荒懼比丘爾時便作是念如是如是
子惡邪外道常妬佛法毀咎沙門釋子今當
中汝便前以杖打水器破以惡心壞他物故
得越毗尼罪有諸名水所謂瞻波國有恒水
王舍城有溫泉水巴連弗邑有怒奴河水波
羅柰國有佛遊行池水沙祇國有玄注水舍
衛城有補多梨水摩偷羅國有搖蒲那水僧
伽舍國有石蜜水有諸貴人遣使取此諸水
在道止息有比丘為渴所逼以盜心觸彼水
者得越毗尼罪水入器中偷蘭罪若水注斷
滿者波羅夷若水注未斷中起悔心畏犯重
罪以水還倒本器者得偷蘭罪有諸貴人遊
戲園中作香池水有比丘以盜心取彼水而
水不直錢計其香價隨時犯罪是謂水
水中物者有物在水中生所謂優鉢羅鉢曇
摩俱物頭分陀利須健提藕根等及餘種種

水生生物若比丘以盜心觸此諸水中生物者
得越毗尼罪若動彼物得偷蘭罪若離本處
滿者波羅夷若一華直滿者波羅夷不滿者
一一偷蘭罪但取華著地未波羅夷華束大
重不能勝曳去雖遠未波羅夷舉離地波羅
夷乃至一切水生生物亦復如是若諸貴人於
遊戲浴池中作金銀華及諸戲船鳧鴈鴛鴦
異類之鳥若比丘以盜心觸彼物時得越毗
尼罪若動彼物得偷蘭罪若取離本處滿者
波羅夷若復持金銀琉璃碑磔瑪瑙珊瑚琥
珀珂貝赤寶及餘八種若有人持此眾物藏
著水中比丘以盜心觸彼物者得越毗尼罪
若動彼物偷蘭罪若離本處滿者波羅夷是
名水中物
船物者毗俱羅船俱阿吒船拔瞿黎船毗尸
伽船馬面船象面船魚面船羊面船或一重
乃至七重或有壁或無壁者若載象船載馬
船載財物船載瓦器船載皮船載鐵器船乃
優三
十二

至薄棧若是船棧繫著一處若比丘盜心觸彼船得越毗尼罪若動彼船偷蘭罪離本處波羅夷斷繩船未離本處者偷蘭罪雖復離本處未斷繩者亦偷蘭罪若斷繩離本處者波羅夷若本欲盜船不盜物畏人覺故合物乘去雖離本處未波羅夷若捨物已船離本處波羅夷若本欲盜物不盜船畏人覺故合船乘去未波羅夷捨船已持物去者波羅夷若欲船物合盜者船離本處波羅夷若欲水底持去者沒時波羅夷若有人繫船岸邊於岸處坐有比丘欲盜船時有餘人語船主言有出家人欲盜汝船時船主答言何道出家

答言沙門釋種子船主言無苦沙門釋子不與不取是時比丘身以觸船時異人復語船主言是比丘以取汝船船主便疑是比丘將無欲盜我船耶即起而問言尊者欲作何等時比丘默然不對便以篙擣船而去船主追喚言尊者莫乘船去是船是王船若大臣婆羅門長者居士是作福船是渡人船又復恐怖比丘言弊惡人汝若乘我船去者我後當苦治汝是比丘雖乘船去遠而船主不作失想比丘亦不作得想未波羅夷船主若作失想比丘作得想者波羅夷若船主繫船著岸邊有客比丘來語船主言長壽借我船渡船

優三

十三

主答言我獨一人那得相渡比丘復言長壽我食時欲至莫令我失食汝今渡我者便為與我食便為施我樂我今與汝今世後世更互相渡船主復言汝亦無雇直云何而欲虛渡汝脚如餓鳥東西不任誰當渡汝比丘又復卑辭苦求船主復言自可渡尊者今正一人何辨相渡比丘答言長壽汝但捉施我自

作力船主便許便呼大德上船彼至河中比丘捉杖便打彼船主罵言弊惡人敢毀辱沙門釋子罵訖復打船主手臂脚膺傷破勞熟已便排著水中得偷蘭罪船主若死比丘先有殺心者波羅夷若先無殺心偷蘭罪爾時

比丘若盜彼船若盜行具滿者波羅夷不滿
偷蘭罪若比丘惡心沉彼船若破彼船若放
隨流去以壞失他物故得越毗尼罪有人爲
福故常以船渡人比丘若渡應繫著岸邊令
後人得渡若比丘盜彼船若行具滿者波羅
夷若沒著水中若破若放令隨流去得越毗
尼罪比丘若乘棧渡至彼岸當牽棧著岸上
現處令後人得渡莫著屏猥處是名船物
船上物者船上所有諸物謂金銀真珠錢財
琥珀琉璃珂貝珊瑚磔磔赤寶纒劫貝乃至
一切衣服穀食及八種物若覆藏若不覆藏
比丘以盜心觸彼船上諸物得越毗尼罪若
動彼物者偷蘭罪若離本處滿者波羅夷
乘者若車若輿若輦若步挽車乃至小兒戲
車是名爲乘若盜兩輪車順牽後過前滿者
波羅夷若逆推前後過滿者波羅夷若傍牽
左輪過右輪右輪過左輪滿者波羅夷若比
丘壞彼乘稍稍取若盜一一木滿者波羅夷

不滿者偷蘭罪若小乘可全擔去者若觸得
越毗尼罪動彼乘偷蘭罪若離本處滿者波
羅夷是名乘物
乘上物者若師子皮覆虎皮覆青欽婆羅覆
及諸種種覆物一切敷具一切莊嚴乘物乘
上一切物者所謂金銀琉璃磔磔瑪瑙真珠
優三 十四
珂貝珊瑚琥珀及赤寶等衣被飲食及八種
物若覆藏若不覆藏比丘以盜心觸彼物者
越毗尼罪若動彼物偷蘭罪若離本處滿者
波羅夷是名乘上物
四足物者所謂象馬駝牛驢騾羊乃至鼠狼
若比丘欲盜象若牽若驅舉一脚乃至三脚
偷蘭罪四脚離本處波羅夷如是馬駝乃至
羊亦如是若小可全擔者若觸得越毗尼罪
若動者偷蘭罪若離本處滿者波羅夷是名
四足物
四足上物者莊嚴象具乃至莊嚴鼠狼具及
八種物若覆藏若不覆藏若比丘以盜心觸

此諸物越毗尼罪若動彼物得偷蘭罪若離本處滿者波羅夷是名四足上物

兩足物者所謂人及鳥等若比丘盜彼人若誘去若刀杖駘舉一足偷蘭罪舉兩足波羅夷若小可擔負者若觸越毗尼罪若動偷蘭罪若離本處滿者波羅夷乃至鳥亦如是是

為兩足物

兩足上物者所謂女人莊嚴具男子莊嚴具乃至鸚鵡鳥莊嚴具者衣冠瓔珞等乃至鸚鵡服等男子莊嚴具者衣冠瓔珞等乃至鸚鵡鳥莊嚴具者以種種珠鈴等繫其頸脚及餘八種物若覆藏若不覆藏比丘以盜心觸彼

優三

十五

兩足上物者得越毗尼罪若動彼物偷蘭罪若離本處滿者波羅夷是名兩足上物

無足物者所謂蛇蟒食華食果食肉吸風等蛇若著瓶中若著篋中有一比丘本是禁蛇師後出家此比丘欲盜彼蛇即欲取蛇恐其主覺舉篋持去未波羅夷若出蛇離篋滿者

波羅夷若本欲盜篋不盜蛇畏主覺故合蛇持去未波羅夷若棄蛇持篋去滿者波羅夷若欲蛇篋合盜者擔去離本處滿者波羅夷若盜瓶中蛇蛇尾未離瓶口者未波羅夷若頭尾都離滿者波羅夷若瞋嫌彼便罵言惡人何以籠繫衆生即開瓶令蛇得出者得越毗尼罪比丘盜心觸無足物者越毗尼罪若動彼物偷蘭罪若離本處滿者波羅夷是名無足物

無足上物者所謂金銀真珠硨磲琥珀珊瑚珂貝瑠璃赤寶乃至八種物若覆藏若不覆藏人畏是無足物故無敢取者比丘以盜心觸此無足上物者得越毗尼罪若動偷蘭罪若離本處滿者波羅夷是名無足上物

虛空物者所謂菴羅樹樹蔭樹閣浮樹椰子樹只波羅樹龍華樹吉祥果樹乃至一切諸華菓樹若比丘以盜心盜此諸樹若一樹滿者波羅夷不滿者隨其拔樹樹偷蘭罪若拔

樹栽積在一處未波羅夷舉離地滿者波羅夷若重不能勝曳去不離地雖遠未波羅夷若舉離地波羅夷若比丘盜心觸此虛空物得越毗尼罪若動偷蘭罪若離本處滿者波羅夷是名虛空物

虛空中物者所謂菴羅果乃至吉祥果若比丘盜心食此諸果若食一果滿者波羅夷若不滿者口口偷蘭罪比丘動樹落果在地未波羅夷若取果持去滿者波羅夷二人偷果一人上樹落果一人在下拾果未波羅夷若樹上人下樹持果去滿者波羅夷取一切諸果亦如是若佛生處若得道處轉法輪處尊者阿難大會處羅睺羅大會處般闍于瑟大會處是諸處皆種行樹樹上各各以眾寶莊嚴其樹及八種物若覆藏若不覆藏若比丘以盜心觸彼眾寶者得越毗尼罪動彼物偷蘭罪若離本處滿者波羅夷是名虛空中物是謂十六種物若比丘以盜心觸彼物越毗

尼罪若動彼物偷蘭罪若離本處滿者波羅夷

摩訶僧祇律卷第三

十六

優三

啗五校反滋音謬音罰居例憤俱捕步
繪疾陵娠音碓音春詩上音對下音梟反古啖音擯音

必刀溝漸下古焮反柵反堽音垣音墻音督音

菘音枚音瓜反藕音籠反芋反荀音捷反針音

鞮音鞞音鞞音鞞音鞞音鞞音鞞音鞞音鞞音鞞音鞞音

板音燥音燥音燥音燥音燥音燥音燥音燥音燥音燥音

胡郭杓反杓反杓反杓反杓反杓反杓反杓反杓反杓反

反胡郭杓反杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

反胡郭杓反杓反杓反杓反杓反杓反杓反杓反杓反杓

晚音還音蟻反母朗篋反苦估
音鉢下 音武 匐反蒲北般遮十瑟音上

摩訶僧祇律卷第三

優三

摩訶僧祇律卷第四

優四

東晉三藏法師佛陀跋陀羅共沙門法顯譯

復有十三種分齊物何等十三一物分齊二
處分齊三不定分齊四垣墻分齊五籠分齊
六寄分齊七雜分齊八藩分齊九相因分齊
十栓分齊十一園分齊十二賊分齊十三稅
分齊物分齊者物有八種何等八一時藥二
夜分藥三七日藥四終身藥五隨物六重物
七不淨物八淨不淨物是名物分齊若比丘
以盜心觸此諸物得越毗尼罪若動彼物偷
蘭罪若離本處滿者波羅夷
處分齊者地地中物水水中物船船中物乘

乘中物四足四足上物兩足兩足上物無足
無足上物空空物是名處分齊若比丘盜
心觸此諸物得越毗尼罪若動彼物偷蘭罪
若離本處滿者波羅夷
不定分齊者如所說知而妄語波逸提非知
而妄語皆波逸提或知而妄語波羅夷或知
而妄語僧伽婆尸沙或知而妄語偷蘭罪或
知而妄語越毗尼罪或知而妄語波逸提知
而妄語波羅夷者若比丘不實得過人法自
言我得阿羅漢是知而妄語非波逸提是波
羅夷知而妄語僧伽婆尸沙者若比丘以無
根波羅夷罪謗清淨比丘是知而忘語非彼
逸提是僧伽婆尸沙知而妄語偷蘭罪者比
丘說言我是阿羅漢是知而妄語非波逸提
是偷蘭罪知而妄語越毗尼罪者比丘自作
是言謂我是阿羅漢那是知而妄語非波逸
提是越毗尼罪知而妄語波逸提者除上爾
所事餘一切妄語者此是知而妄語波逸提